

RECTOR ACADEMIAE MARBURGENSIS
JUSTUS FEWRBONIUS, S. THEOLOGIAE DOCTOR,
 PROFESSOR ET ECCLESIASTES, TOTUSQUE SENATUS ACADEMICUS, L.S.P.P.



ALVATOR noster, Jesus Christus notabiliter inquit Johan. 18. v. 20. *Ego palam locutus sum mundo, ego semper docui in Synagoga, & in templo, quò omnes Iudaei conveniunt, & in occulto locutus sum nihil.* Quibus verbis non tantum improbat illos, qui more vesperilionum, in tenebris circumvolantium, occultè peccant, & delicta sua velant, lucemque subterfugiunt, quam etiam malè agentes oderunt: sed etiam conscientiam rectam, minimeque cauteriatam describit, quam quisquis habet, non odit lucem, sed in luce candidè & apertè agit, adeoque discipit, ut quaecunque pertractat, Solis coruscantis radiis exponantur, & in notitiam omnium deducantur. Huic intemeratae conscientiae quia & nos, qui almæ huic Hassorum Universitati nostram operam locavimus, enixè studemus, ideò nil magis in votis habemus, quam ut Labores nostri Academici, quos proximo semestri exantlabimus, omnibus maturè patefiant, & satis innotescant. Proinde Catalogum istorum Laborum hic appositum publicare volumus, Deum Ter Optimum Maximum devotè rogitantes, ut nostris istis Lectionibus & Disputationibus ex throno caelestis largiter benedicat, omnia mala, & cum primis tumultus bellicos, morbosq; contagiosos à nobis avertat, optata halcedonia nobis concedat, suòq; nos Spiritu S. ita regat, quò omnia nostra cogitata, dicta & facta vergant ad nominis & numinis divini gloriam, Ecclesiaeq; & Reipubl. Christianae exaedificationem, Academiae hujus perennem vigorem & prosperitatem, & ad singulorum temporalem & aeternam salutem. P. P. Marburgi die 8. Martii, Anno 1629.

CATALOGUS LECTIONUM ET

Disputationum in hoc futuro semestri.

IN FACULTATE THEOLOGICA.

Justus Fewrbornius, D. *Quantum per Rectoratus molestias ipsi licitum fuerit. I. Locum de S. Scriptura publicis Lectionibus porò exponet, eòq; exposito, ad Operis sui Bibliici continuationem, & nominatim ad S. Lucae explicationem revertetur. II. Collegium Anti-Ostrodianum absolvet III. Collegium privatum disputatorium ex Epistola ad Romanos instituet.*

Johannes Steuberus, D. *I. Novem priores Articulos Smalcaldicos publicè interpretabitur. II. Duo Collegia privata aperiet, in quorum priori L.C. Theologicos; in posteriori autè certam aliquam heresim refutandam assumet.*

Meno Hannekenius, D. *I. Decem posteriores Articulos Smalcaldicos publicè explicabit. II. Geminū Collegium Hebraeum adaperiet; unum pro provectioribus, qui in S. Bibliis non punctatis & Rabbiorum Commentariis legendis & explicandis ab ipso informabuntur & exercebuntur, & simul sanctā linguam sic edocebuntur, ut Hebraicas Epistolas conscribant, deq; rebus Sacris Hebraicè colloquātur; alterum pro incipientibus. III. Geminum itidem Collegium Theologicum habebit, & in uno quidem A.C. quam cum reliquis Ecclesiae Orthodoxae Lutheranae Libris Symbolicis conferet, ast in altero quandam Quaestionum controversarum syllogen ad ventilandum proponet.*

Quin etiam singuli Theologi cum Disputationes menstruas solennes, tum alias publicas Theologiarum disquisitioni subjicient, simulq; Disputationes privatas in publico loco instituent, ut cuiusvis civi Academico facultas auscultandi sit.

IN FACULTATE JURIDICA.

Quamvis Amplissimi & Consultiissimi Viri, Dn. Hermannus Vultejus, & Dn. Johannes Gæddeus, J. U. Doctores, ob fidelissimam multorum annorum in hac Academia praestitam operam, quoad publicas Lectiones rude donati sint, nihilominus tamen illi in Responsis & Sententiis Juridicis concipiendis singulare studium suum usq; jam adhibent, ita quoque imposterum adhibebunt.

Helfricus Ulricus Hunnius, D. *Academiae Procellarius, Carolinam Ordinationem Criminalem publicè profectabitur.*

Anthonium Nefenus, D. *Continuabit Interpretationem Theorico-Practicam selectiorum Legum in Pandectis, Juris Canonici & Ordinat. Camer. concurrentes materias, Capitula & Titulos conjungendo.*

Johannes Breidenbachius, D. *Absoluto libro primo Institutionum, ad 2. & 3. interpretationem perget.*

Justus Sinolt cognomiatus Schüssel, D. *Tractabit quotidianas Juris Controversas Quæstiones diversas.*

Conjungentur simul Exercitia disputationum privatarum & publicarum in omni Juris materia.

IN FACULTATE MEDICA.

Nicolaus Braun, D. *Continuabit exercitationes suas practicas in morbis particularibus, in quibus; ut docet Galenus lib. 9. Methodi medendi, post universalia theorematum studiosi Medicinae tanquam in particularibus exemplis exerceri debent.*

Johannes Kempffius, D. *Partem Medicinae Medicorum, qua agit de morbis eorumq; causis, & Symptomatibus, proponet, & Botanica tractabit.*

Jacobus Müllerus, D. *Anatomicas suas Exercitationes continuabit, & privatim Institutionum Collegium habebit.*

IN FACULTATE PHILOSOPHICA.

M. Theodorus Victor, Hesiodi Opusculum, quod inscribitur, *Ἡσιόδος ἠμύγαν, publicè interpretabitur.*

M. Conradus Bachmannus, *Librum 7. & 8. Æneid. explicabit.*

Jacobus Müllerus, D. *(Qui simul est Medicinæ Professor) publicè Geographiam specialem, privatim verò Geographiam Practicam pertractabit & demonstrabit.*

M. Johannes Henricus Tonfor, *Padagogiarcha, explicabit Doctrinam de Cælo, insuper addet Collegium Physicum Speciale, & Philosophicum Generale.*

Johannes Kornmannus, D. *Quatuor Libros posteriores Ethicorum Aristotelis, ad Nicomachum, analyticè & problematice enodabit.*

Theodorus Höpingk, D. *Dispositionis Oratoriae Capita, & Elocutionis speciem primam, quae Tropologiam continet, ex Cicerone potissimum alijsq; probatis Authoribus exponet, stilisq; exercitia addet: nec non de antiquis & hodiernis Germanorum moribus, facem præbente Cornelio Tacito, disquiret.*

Logices & Metaphysices Professor ordinarius vocatus, simulatq; huc advenerit, confestim ea, qua muneris sui fuerint, gnauiter, ut speramus, faciet.

Marcellus Oliva Parisiensis, *In erudiendis Linguae Gallicae Studiofis utetur Grammatica Gallica Iohannis Serreii, cui adjunget Favum Praceptorum Linguae Gallicae Danielis Martini, & ipsius Colloquia Latino Germanica, atq; etiam Theatrum Mundi Petri Boaystei de miseris & excellentia hominis, cum aliis quotidianis exercitiis ad cognitionem Linguae Gallicae acquirendam, necessariis.*